



## Avannaata Kommuniani meeqqat pillugit politikki

### Aallaqqaasiut

Meeqqanut politikki periusissianik malitseqartussaq Avannaata Kommuniani meeqqanut 18-it tungaanut ukiulinnut ataatsimoorussamik suliniuteqarnissamut tunngaviliisuussaaq. Suliaqarfiit ataasiakkaat pisariaqartitsinerat naapertorlugu immikkut ittumik politikikkut anguniagassat ilusilersorneqarnerat immikkoortunit pingaarnernit ingerlanneqarsinnaapput.

Meeqqat pillugit politikki, Naalagaaffiit Peqatigiiffiata - FN-ip meeqqat pillugit isumaqatingiissutaa, inatsisit atuuttut toqqammavigalungit aamma Avannaata kommuniani atugassarititaasut malillugit suliarineqarpoq, tassuunakkullu qulakkeerneqassaaq meeqqat atugarisamikkut ineriartormikkullu toqqammaviummik pitsaassuseqarnissaanik. Aammattaaq politikkip qulakkiingassaraa meeqqat ilaqutariinni, tunuliaquttat qanoq inissisimanerat apeqqutaatinnagit, inuiaqatigiinni toqqissisimanartumik inooqataanissaat, kiisalu akisussaaqataanermik aamma tusaaneqarnissamik misigitinneqarlutik sulinermut ingerlatseqataanissaat.

### FN'ip meeqqat pillugit isumaqatigiissutaa

Meeqqat pillugit isumaqatigiissut atuuppoq meeqqanut tamanut 18-it tikillugit ukiulinnut, nunarsuarmit suminngaanneernerat apeqqutaatinnagu.

Meeqqat pillugit isumaqatigiissutip aallaavigaa meeqqat pitsaanerpaamik atugaqarnissaasa qulakkeerneqarneranik:

- Meeqqat tunngaviummik pisinnaatitaanerit – ass. nerisassaqaarneq, peqqissuseq aamma najugassaqaarneq
- Meeqqat ineriartornissaminnut pisinnaatitaanerit – ass. atuartitaaneq, sunngiffeqarsinnaaneq, pinnguarsinnaaneq aamma paasissutissanik tuniorarneqarnissaq
- Meeqqat illersorneqarnissaminnut pisinnaatitaanerit – ass. sorsunnernut, persuttaanermut, atornerlugaanermut atornerlugaallunilu sulisinneqarnermut
- Meeqqat aalajangeeqataasarnissaminnut pisinnaatitaanerit – soorlu ass. sunniuteqarsinnaaneq, peqataasinnaaneq aamma qanorluunniit oqaaseqarsinnaatitaaneq



## **Siunertaq**

Avannaata kommuniata siunertaraa siunnersuissalluni, meeqqat toqqissisimasumik kiisalu eqaatsumik ineriartornissamat periarfissaqarnissaat. Meeqqat toqqissisimasumik ineriartornissaat pillugu sullissineq, pilersuisussaataasut aamma inuit attaveqaataasut allat, kiisalu suliassaqarfiit tamaasa, suliffeqarfiit, ingerlatsiviit kiisalu peqatigiiffiit suleqatigalugit pissaaq.

Meeqqat pillugit politikimi allaaserineqarpoq meeqqanik sullissinermi sinaakkutit iluini assigiinngisitsisoqarnani pissasoq, isumalluuteqarnerat, ilaqutariussuseq, inooqataaneq aamma kulturikkut tunuliaqutit apequtaatinnagit.

## **Meeqqat pillugit politikimi**

- qulakkeerneqassaaq meeqqat atugarisaasa pitsanngorsarneqarnissaat, meeqqat pisinnaatitaaffiisa atuutsinneqalerneratigut
- meeqqat inuuniarnermikkut atukkatigut atugarliorsimappata imaluunniit immikkut pisariaqartitsippata tapersorneqarnissaat siunertaralugu suliniutit nukittorsarneqassasut
- pilersuisussaataasut, sullissisut, isumaginninermi suliaqartut aamma ulluunerani - sunngiffimmilu neqeroorutini, atuarfiit, MISI aamma timersornikkut kulturikkullu peqatigiiffiit meeqqanut ataatsimut immikkullu pisariaqatitaat sapinngisamik pitsaanerpaamik salliutinneqarnissaat pillugit tapersuineq
- meeqqat ineriartornerat namminneq inuttut pisariaqartitaannut nalimmassarneqassasoq, tassunga ilanngullugit akisussaaqataaneq, paasineqarneq aamma isummanik pilersitsinermi
- meeqqat peqqinnartumik aamma imaqarluartumik inuuneqarnissaannut sinaakkutinik pilersitsineq, ineriartornissaq, ilikkagaqarnissaq, ilinniartitaanissaq toqqissisimaneq kiisalu inuttut aamma kulturikkut eqaatsunik sammisaqarneq ammaffigalugit

## **Angerlarsimaffik tassaavoq ineriartornermut, ilikkarniarnermut kiisalu atugarisatigut**

### **toqqammaviliisoq**

Ilaqutariit tassaapput meeqqap inooqataanerannut ineriartornerannullu toqqammaviliisuusut taakkuussallutillu toqqissisimasumik meeqqap peroriartorneranut isumaginnittussat. Meeqqat pisariaqartippaat inersimasut akisussaassusillit, ineriartornermini peqqissutsikkut, inooqataanikkut kiisalu perorsarneqarnikkut tapersuisussat kaammattuisussallu.

Meeqqat pisinnaatitaaffigaat nammineq inuunerisartik pillugu aalajangeeqataasinnaaneq, sunniuteqarnissamat kiisalu toqqissisimasumik avatangiiseqarnissamat pisinnaatitaaffeqarlutik. Meeqqat assigiinngissusaat



nukittoqutaavoq tapersersugassaq, ineriartornissaannut, ilikkarsarnerannut piginnaassuseqarnerannullu tunngaviliisuulluni.

Meeqqat peroriartorneranni atugarisaasa pitsanngorsarneqarnissaat suleqatigiissutigineqassaaq, kiisalu meeqqat angerlarsimaffiisa inuiaqatigiinnilu sammisassatut neqeroorutit akornanni ataqatigiisitsineq pilersinneqassaaq.

### **Imminut naleqartinnermik, ataatsimoornermik kiisalu peqqinnartumik inuuneqarnermik ineriartortitsineq**

Meeqqat peqqinnartumik inooriaaseqarnissaannik kaammattorneqassapput, taamaalilluni imminut tatigineq aamma imminut ataqqineq alliartussammat, suliniuteqarnikkut aqutissiuiinikkullu meeqqat akisussaaqataaneq ilinniassavaat aamma ataatsimoornermut piginneqataaernerfik misigitinneqarlutik. Meeqqat eqqarsartaatsikkut inerikkiartortinneqassapput taamaalillutik pitsaasumik inooqataaneq, nammineersinnaanngorneq kiisalu inuit akornanni ingerlalluarsinnaaneq angusinnaaniassagamikku.

Meeqqat inuiaqatigiit kikkut tamat oqartussaaqataaernerannik ingerlatsisunut nukittorsaataapput, nammineq piginnaasatik aamma nukittuffitik atorlugit inooqataanikkut, nammineersinnaasutut aamma inuit akornanni inooqataasinnaanikkut.

Meeqqat sammisassaqtitsinermit aamma atuarnermut tamatigoortumillu ineriartornermut, ilikkagaqarnermut aamma peqqissumik inooriaaseqarnermut akuulluinnarput.

### **Kulturikkut avatangiisitigullu tunngaviumik naleqartitat**

Meeqqat assigiinnigissutsip tamatigoortuussutsillu akuersaarlugillu inissaqartinnissaat ilinniassavaat, inuit tamarmik inissaqartinnissaat misigalugu assigiinnigitsorpasuarnik periarfissaqarnek aamma iliuseqarsinnaaneq, nassaarsiullaqqissuseqarnek/nutaaliullaqqissuseq kiisalu eqqumiitsuliornikkut ilusilersuisinnaanerit ilanngullugit.

Kulturikkut aallaavik tunngavigalugu toqqissisimassuseq, tamatumunngalu ilagitillugu ammasuuneq ilinniassavaat. Kulturikkut pinngorartitsinermit akisussaaqataaernerfik piujuartitsinermit kommunimi meeqqat inuusuttullu ilinniartinneqassapput akisussaaqataatinneqarlutillu. Ataqqinnissutsimik takutitsineq, assigiinnigissutsimik paasinninneq assigiinnigissutsillu nukittoqutaanerannik paasinninneq aamma ilinniassallugu.

Eqqiluitsumik nungusaataangitsumillu avatangiisit pillugit akisussaassusermik tiguseq kiisalu pinngortitap inummut pingaarutaa inuullu pinngortitamik pisuussutaanillu isumalluuteqarnera misigalugu inooqataaneq ilisimasaqarfigilissavaa.



### **Misigissutsitigut, toqqissisimanermut kiisalu isumassorneqarnermut tunngavissarititaasut**

Meeqqanut tunngatillugu isumassuineramik aamma asanninnermik kiisalu taakku ineriartorneranni misigissutsinik inissisaqartitsisinnaasunik toqqissisimanermik pilersuisussaataitaasut annertunerpaamik akisussaapput. Meeqqat pitsaasumik imaqarluartumillu inuuneqarnissaat inuiaqatigiit tamarmik ataatsimut akisussaaffigaat. Meeqqat misigissutsitigut pitsaasumik inuuneqarnissaat kiisalu toqqissisimasumik sinaakkuteqarnissaat eqqarsaatigalugu pilersuisuusut kiisalu kommunimi sulisut suleqatigiinnermikku akisussaaqatigiinnertik takutissavaat.

Pilersuisussaataitaasut ulluunerani sunngiffimmilu neqeroorutini, atuarfinni, timersornikkut aamma kulturikkut sammisasaqartitsinermi sulerisarnersut pillugit ulluinnarni malinnaatinneqarnissaat pingaaruteqarluinnarpoq, taamaalillutik meeqqat misiginiassammata toqqissisimallutik pitsaanerpaamik tamatigoortumillu aamma peqqissumik inuuneqarnissamik naatsorsuuteqarsinnaaqullugit.

### **Periusissiat siunertallit aamma iliussissatut pilersaarutit ukunani sananeqassapput:**

- Ilaqutareeqarnermut Ingerlatsivik
- Immikkoortortaarfik Peqqinneq Sunngiffik
- Ilinniarnermut Ingerlatsivik

### **Malitseqartitsineq**

- Meeqqat pillugit politikki nalilersorneqartassaaq ukiut sisamakkaarlugit kommunalbestyrelsemut qinersisoqarnera ilutigalungu.
- Meeqqanut politikki aallaavigalungu nammineq suliaqarfimmi suleriutsit aallaavigalungit periusissatut pilersaarutit minnerpaamik ukiumut ataasiarlugit nalilersoqqinneqartassapput, taakkulu suliaqarfimmi ataatsimiititaliamut nalunaarusiarineqartassallutik.



Kommunalbestyrelsimit akuersissutigineqarpoq ulloq / 20

---

Ane Lone Bagger  
Siulittaasoq  
Ilqutareeqarnermut Ataatsimiititaliaq

---

Jens Kristian Therkelsen  
Siulittaasoq  
Peroriartortitsinerumut Ataatsimiititaliaq

---

Ane Marie M. Andersen  
Siulittaasoq  
Oqartussaaqataanermut Ataatsimiitsitaliaq

---

Palle Jerimiassen  
Borgmester Avannaata kommunia